



# Fihi ya 'Ibada yenye picha zilizochorwa

Hukumu za Kiislamu zilizowepesishwa


Tohara

Swala

Funga

Zakat

Hijja



Dr. Abdullah Bahmmam

Tarjama

Dr Abdalla Khatib

Marejeo

Sheikh Salim Barhayan  
Ustadh Said Abdu  
Ustadh Ahmed Yasin Mustafa  
Sheikh Said Bawazir

Sunna za kimaumbile

# Sunna za kimaumbile

## Yaliyomo

Kuzieleza sunna za kimaumbile

1. Kupiga mswaki
2. Kusukutua na kupaliza puani
3. Kutamba
4. Kupunguza masharubu na kuyafanya madogo
5. Kufuga ndevu
6. Kunyoa nywele sehemu za siri
7. Kutahiri
8. kukata kucha
9. kusumua nywele za makapwa
10. Kuosha sehemu zenye makunjo katika viungo

## Sunna za maumbile

Mambo mazuri ambayo Mwenyezi Mungu aliwaambia watu nayo, ni ambayo yanamfanya mtu akamilike mpaka afikie daraja ya sifa bora na pambo zuri.

Imepokewa kutoka kwa Aishah ؓ kuwa alisema kwamba Mtume ﷺ alisema: (Mambo matano ni katika sifa za kimaumbile: kupunguza masharubu, kufuga ndevu, kupiga mswaki, kupuliza maji, kukata kucha, kusafisha makunjo viungoni, kusumua nywele za makapwa kunyoa nywele sehemu za siri, na kutamba kwa maji na kusukutua) <sup>(1)</sup>.

(1) Imepokewa na Muslim.

## 1. Kupiga mswaki

### Mswaki

Ni kipande cha mti wa mpilipili – au mfano wake- kinachotumiwa kusafisha meno na chakula kilichogandamana na kuondosha harufu mbaya

Na Kupiga mswaki kumesuniwa nyakati zote, kwa kauli ya Mtume ﷺ: (Kupiga mswaki kunatwahirisha kinywa, kunamridhisha Mola) <sup>(2)</sup>. Lakini imetiliwa mkazo kupiga mswaki katika sehemu zifuatazo: -

### 1. wakati wa kutawadha

Kwa kauli yake Mtume ﷺ: (Lau si kwa kuwaonea uzito umma wangu ningaliwaamrisha kupiga mswaki kila wanapotawadha) <sup>(3)</sup>.

### 2. Wakati wa kuswali

Kwa kauli yake Mtume ﷺ: (Lau si kwa kuwaonea uzito umma wangu ningaliwaamrisha kupiga mswaki kila wanapotaka kuswali) <sup>(4)</sup>.

### 3. Wakati wa kuingia nyumbani

Imepokewa kwa al- Miqdad kumpokea babake ؓ alisema: (Nilimuuliza Aishah ؓ kuhusu kitu ambacho Mtume wa Mwenyezi Mungu alikuwa akikianza akiingia nyumbani kwake. Akasema “Mswaki” <sup>(5)</sup>).

(2) Imepokewa na Ahmad

(3) Imepokewa na Ahmad

(4) Imepokewa na Bukhari na Muslim.

(5) Imepokewa na Muslim.

## 4. Wakati wa kuamka kutoka usingizini

Amepokewa Hudhaifah (RA) akisema: Mtume ﷺ alikuwa akiinuka usiku akisafisha kinywa chake kw a mswaki) <sup>(1)</sup>.

## 5. Wakati wa kusoma Qur'ani:

Alipokewa Ali ﷺ akiamuru mswaki na akasema kwamba Mtume ﷺ alisema: (Hakika mja akipiga mswaki, kisha akasimama kuswali, Malika husimama nyuma yake akisikiliza kisomo chake, na humkaribia- au neno mfano wa hilo- mpaka kuweka kinywa chake juu ya kinywa yule, ikawa hakuna chochote cha qur'ani kitokacho kwake isipokuwa huingia kwa yule Malaika, basi twaharisheni vinywa vyenu kwa ajili ya qur'ani)<sup>(2)</sup>.



(1) Imepokewa na Bukhari.  
(2) Imepokewa na Bazzar

## 2. Kusukutua na kupuliza maji puani

### Kusukutua


Kutia maji kinyawani na kuyatikisa.

### Kupaliza puani

Kuyavuta maji puani kwa pumzi



Kusukutua



Kupaliza puani

## 3. Kutamba

### Kutamba

Kuondoa athari ya kilichotoka kwenye tupu ya mbele au ya nyuma kwa maji yenye kutwahirisha.



## Faida za mswaki

Miongoni mwa faida za mswaki ni kuwa unasafisha kinywa duniani, na unamridhi Mwenyezi Mungu akhera. Nao unatia nguvu meno, unayashikanisha masinye, unatakasa sauti na unamchangamsha mja.






## Mlango wa Tohara

### 4. Kupunguza masharubu na kuyafanya madogo

Makusudio ni kuyapunguza sana, kwa kufanya hivyo kunapatikana uzuri na usafi na kuenda kinyume na makafiri.

### 5. Kufuga ndevu

Nako ni kuziacha na kutozigusa



### Kunyoa ndevu

Ni haramu kunyoa ndevu, kwa amri iliyokuja ya kuzifuga na kuziacha.

Mtume ﷺ amesema: (Kateni masharubu na fugeni ndevu, wakhalifuni Majusi) <sup>(1)</sup>.

(1) Imepokewa na Muslim.

### 6. Kunyoa nywele sehemu za siri

#### Kunyoa nywele sehemu za siri (istihdad)

Kunyoa nywele zinazomea kandoni mwa tupu



### Faida ya kunyoa nywele sehemu za siri

Imethubutu kielimu kwamba kunyoa

sehemu hizo kunatunza afya ya mwili, nguvu zake na usalama wake, kwa kuwa kule kuwa na nywele nyingi sehemu hii kunasababisha vijipu kwenye ngozi ambazo hudhuru mwili.



### 7. Kutahiri na kupasha tohara

#### Kumtahiri mwanamume

Ni kuondoa kigozi kinachofunika kichwa cha dhakari kwa mwanamume.

#### Kumpasha tohara mwanamke

Ni kukata kinyama kilichozidi kilichoko juu ya sehemu ya kuingiza dhakari ya mwanamume.

Kutahiri ni kwa mwanamume, na kupasha tohara ni kwa mwanamke kwa kuwa mtume ﷺ alimwambia Ummu Atiyyah: (Kata kidogo wala usifeke, kwani kufanya hivyo kunakufanya hapo mahali pawe na maangalizi mazuri na kunamfurahisha mume) <sup>(1)</sup>. Na kutahiri ni lazima kwa wanaume, ni sunna kwa wanawake.

Na hekima ya mwanamume kutahiriwa ni kuitwahirisha dhakari na najisi iliyopo kwenye kigozi kinachofunika kichwa cha dhakari. Ama kwa mwanamke ni kule kung'ara kwa uso wake

(1) Imepokewa na Hakim

## 8. Kukata kucha

Nako ni kuzikata ili zisiwe ndefu



Kukata kucha

## 9. Kusumua nywele za makapwa

Yaani Kuondoa nywele zinazoota makapwani, kwa kuwa kuziondoa ni katika usafi na kuondoa harufu mbaya zinazokusanyika kwa kuwako nywele hizi.



Kusumua nywele za makapwa

## 10. Kuosha makunjo kwenye viungo

### Makunjo viungoni

Viungo vya vidole

Baadhi ya wanavyuoni wameyaweka pamoja hayo makunjo na uchafu unaokusanyika masikioni na shingoni na baadhi ya sehemu za mwili.



Makunjo viungoni



### Siku arubaini

Ni karaha kwa mtu kuacha kucha, pia nywele za makapwa, nywele sehemu za siri na masharubu zaidi ya siku arubaini. Imepokewa na Anas bin Malik ؓ akisema: (Mtume wa Mwenyezi Mungu ﷺ alituwekea wakati wa kupunguza masharubu, kukata kucha, kunyoo nywele sehemu za siri na kusumua nywele za makapwa kuwa visiachwe zaidi ya siku arubaini) <sup>(1)</sup>.

(1) Imepokewa na Muslim.

